

Te Saeculorum Principem

1. Te saeculorum Principem, Te, Christe, Regem Gentium,
Te mentium, Te cordium Unum fatemur arbitrum.
 2. Scelesti turba clamitat: Regnare Christum nolumus:
Te nos ovantes omnium Regem supremum dicimus.
 3. O Christe, Princeps Pacifer, Mentis rebelles subiice:
Tuoque amore devios, Ovile in unum congrega.
 4. Ad hoc cruent(a) ab arbore, Pendes apertis brachiis:
Diraque fossam cuspidem Cor igne flagrans exhibes.
 5. Ad hoc in aris abderis Vini dapisque imagine,
Fundens salutem filiis Transverberato pectore.
 6. Te nationum Praesides Honore tollant publico,
Colant magistri, iudices, Leges et artes expriment.
 7. Submissa regum fulgeant Tibi dicat(a) insignia:
Mitique sceptro patriam Domosque subde civium.
 8. Iesu, tibi sit gloria, Qui sceptrum mundi temperas,
Cum Patre et almo Spiritu, In sempiterna saecula. Amen.
- V. Multiplicabitur eius imperium.
R. Et pacis non erit finis.